

# КИРОВЕЦ

ВКП(б)-лэн Тыловой Райкомезлэн но Райисполком-лэн органзы

5 сентябрь 1939 ар | № 79 | 5-тй арзэ потэ

## БЫР'ЕН'ЕС АЗЕ ДАСЯСЬКОНО

Вуоно бырйискон кампания аслаз организационной но политической ужлэн размахеныз луоз мертантэм паськыт, орчем быр'ен'ес сярсы. Со адске отысь, что асьме районя гинэ интысь Совет'ёсы быр'ено луоз 195 котыр трудящойёслэсь депутат'ёссэ; 800 мурт котыр занять каремын луозы избирательной комиссиосын но трос агитатор'ёс. Вуоно бырйисконлэн таңе особенностёсынызы сэрэн, мертантэм будэ партийной но советской организациослэн ответственностысь массово - политической уужез организовать карыны. Интысь Совет'ёсы быр'ен'ес азелы дасяськон ортче луылымтэ производственной но политической активностен трудящойёс пöлын, куд'ёссэ вызвать каро ВКП(б)-лэн XVIII с'ездзлэн исторической решениосыз. Азылань вöлмытоно трудящойёслэсь производственной но политической активностысь, направить карыса сое успешно разрешить карыны задачаосты, куд'ёсыз пунктэмын Куинетий Сталинской Пятилеткаен. Жог быдэстыны вань хозяйственно-политической кампаниосты — партийной организациослэн но агитатор'ёслэн армизылэн задачи.

СССР-лэн Верховной Советаз, союзной но автономной республикаослэн Верховной Совет'ёсазы быр'ен'ес дыр'я асьме партийной организациос калык пöлын агитационно-массовой уужлэсь умоесь опытсэс бастызы. Вуоно быр'ен'ес азелы дасяськоннын тае паськыт использовать кароно, использовать кароно большевистской агитацилэсь вань формосэ но вань метод'ёссэ, чтобы быр'ен'есты ортчтыны организовано но выли идейно-политической уровенен.

### Агитатор'ёс ас указы

Шудзялудской сельсоветысь „Новый путь“ колхозын агитационно-массовой уж умой пунктэмын. Али колхозник'ёс, колхозницаос трудящойёслэн депутат'ёссылэн интысь Совет'ёсазы быр'ен'ес сярсы положениез изучать каро. Та уужез умой организовать карыны быгатызы Князев но Кардапольцев агитатор'ёс но мукет'ёсыз.

Агитационно-массовой уж пунктэмен ик колхоз государстволы етин кидыс слать каронзэ быдэстиз полностью. Государстволы жег сдать

Али, быр'ен'еслы дасяськонлэн нырысь нунал'ёсаз, агитационно-массовой ужлы вис'яно исключительной внимание. Нош ВКП(б) райкомлэн агитация но пропаганда отделэз таңе важной кампанилы дасяськон ляб нуэ. ВКП(б) райкомлэн агитация но пропаганда отделэз вунэтиз шöдске, что трудящойёслэн депутат'ёссылэн интысь совет'ёссэс быр'енын избирательёс активно участвовать карозы соку, ку населени пöлын умой организовать каремын луоз массовой раз'яснительной уж. Та уж борды куд-ог агитатор'ёс сер'езно кутскизы ни. Тани „Кр. путилловец“ колхозысь агитатор Галичанин М. К. но „Н. путь“ колхозысь Князев но Кардапольцев нуналмысь агитационно-массовой уж нуо, раз'яснить каро быр'ен'ес сярсы Положениез. Но однако, трос агитатор'ёс повседневной кивалтонтэк но методической юрттэттэк чөм дыр'я асьсэлэн указы испытывать каро серьёзной затрудниос.

Трудящойёслэн депутат'ёссылэн интысь Совет'ёсазы быр'ен'еслы дасяськыса, партийной организациос обязанноесь луо берыктыны вниманизэс агитационной ужлэн задачаосыз шоры. Партийной организациослы одиг минутлы но вунетоно öвöл, что враждебно - настроенной элемент'ёс туэ но туртскозы бырйискон кампаниез асьсэ целен использовать карыны. Организовать кароно церковник'ёсын но сектант'ёсын нюр'яськон, дырыз дыр'я шараяно но разоблачить кароно враждебной элемент'ёслэсь малпам'ёссэс. Сычөөсь требованиос каждой партийной, советской но комсомольской организацилы, агитаторлы, каждой партийной но непартийной большевиклы.

карон но полностью быдэстэмын ни.

Тани чөш вератэк кельтыны уг луы колхозысь недостаток'ёсты но. Ужаны бер пото, берто вазь. Бригадаос куспын социалистической договор гожтэмын но со ог пол но проверяться öз карыськы на.

Колхоз правленилы колхозысь вань уж'ёсты умой организовать кароно. Стахановец'ёсты поощрять кароно, лодырьёсты — критиковать.

Кардапольцев.

## Умой ужасьёслы но лодырьёслы огкадь трудодень гож'яло

В. Четкерской сельсоветысь „Луна“ колхозысь бригадир'ёс октон-калтоннын учетэ уравниловка пыртызы. 2-тй бригадалэн бригадирез Зезянов Лаврентий Гаврилович 4 августэ культот керттылоннын табеляз 6 муртлы ваньзылы гожтиз быдэн 322 культот. 5 августэ нош ик 5 муртлы быдэн 345 культот гожтиз. Озы ик 1-тй бригадалэн бригадирез Васильев Василий Ксенофонович но 4 муртлы каждойзылэсь юатэк быдэн 416 культот гожтиз.

Колхоз председател'ёслэсь, Васильевлэсь юаскод ке малы колхозник'ёслэсь трудоденьёссэс гож'ялэнэ уравниловка кутиды шуыса, со шуэ, что солэсь бригадир'ёс уг кылзиско. Бригадир'ёс шуо, что асьсэос колхозник'ёс чош ужаны куриско. Нош зэмзэ ке верано бригадир'ёс производственной совещание уг ортчыт'яло, луд вылэ уг но потало.

Колхозын вань синмаськымон ужасьёс но, только соосты учитывать карысь öвöл. Тани 2-тй бригадысь Васильева Юлия Агафоновна культот керттылоннын 450 культот нормая, керттылэ 920 культот, Кулакова Ксения Никифоровна кыин араны 0,12 га нормая, ара 0,24 га. Умой ужало Сивков Е. З. но Сивков П. П. конюх'ёс но. Нош колхоз правление таосты уг но адзы, поощрять уг кары.

Тырмоз ни „Луна“ колхозын уравниловкаез взыны. Таңе положениез обсудить кароно, чиданы уг луы умой ужасьёслэсь но лодырьёслэсь огкадь трудодень бастэмзэс.

МАЛЫХ.

## Стахановец'ёслы ужаны сётоно условие

Зюзинской сельсоветысь „Пролетарий“ колхозысь лобогрейкаен арась машинист'ёс Чирков Трофим Иванович но Агафонов Ефим Степанович октон-калтон куткем дырыз нормаэс выполнять но перывполнять карыса указы. Берло нунал'ёсы соос аралызы 6—7 га но бастызы вал обязательство нуналлы быдэ 7 га аралляны но та обязательствозы öз быдэсмы. Öз быдэсмы соин, что колхозлэн правлениез таосты поощрять карон интые но юрттон интые öз сёты ужаны условиос. Машинист'ёс правлени шоры вниманизэс обратить öз каре, эшшо но сюлмысь уж борды кутскизы вал но машиназы тйяськыз. Соин тйяськыз, что машина кузнецен умой-умой ремонтировать каремын öй вал.

Колхоз правленилы стахановец'ёсты поощрять кароно, соос сярсы сюлмаськоно, с ё т о н о соослы ужаны условиос.

АРДАШЕВ.

## В. И. Чапаев

1917 арэ сйзрыл В. И. Чапаев империалистической войналэн фронт'ёсаз улыса Николаевск городэ вуиз но кутскиз ужаны большевистской организациын.

Нырысь Чапаев вал 138 запасной полклэн командиреныз, собере Николаевск городлэн военкоменыз, Николаевской уездысь Красной гвардилэн но Красной Армилэн организаторез но кивалтисез.

1918 арэ январь-февраль толэзёсы со пазыге трос кулачко-эсэровской мятеж'ёсты, та арэ ик тулыс но гужем IV Красной Армилэн регулярной частьёсынызы жуге чехословак'ёсты, Самарской учредилкалэсь армизэ но Уральской белоказак'ёсты.

1918 арэ ноябрь толэзе IV армилэн командованиез Чапаевез ыстэ Генеральной штаблэн Академияз. 1919 арлэн нырысь толэзёсаз Чапаев нош ик IV армиян. Белоказак'ёсты разгромить карем бере М. В. Фрунзе Чапаевез ыстэ 25 дивизилэн кивалтисеныз Колчак пумитэ. Колчакез Уфаысь выбить карем понна но Уфаез бастэм понна Чапаев Красное Знамя ордэнэн наградить каремын вал.

Уфаез бастэм бере Чапаевской 25 дивизия нош ик мынэ Уральской фронтэ.

Но татын предательёс но шпион'ёс калык героез предать каризы. Ку Чапаевлэн штабаз Гурьеве мыныку дугдиз Лбищенске, 1919 арэ 5 сентябрьлэн уяз, изменник'ёсын предупредить карем белоказак'ёс, котыртызы штабаз.

Дугдылытэк жугиськызы чапаевец'ёс. Ачиз Чапаев ранаослэсь лябомыса, самой бöрысь тэтчиз шууре. Но кужымез дугдытиз сое. Урал шурлэн кезыт тулкым'ёсыз народной герыллэсь мугорзэ шобыртызы.

Кулэз'я ответить кариз: 25 дивизия аслаз яратоно командирезлэн быремез. понна: враг уничтожить каремын вал.

Вуоно войнаосын Чапаевлэн нимыз советской калыклы служить кароз мужестволэн но отвагалэн символэныз, роиналы беспредельной преданностен, полководцелэн образценыз.



20 ар талэсь азыло, 5 сентябрь 1919 арэ, гражданской войналэн героез, асьме роиналэн пламенной патриотэз В. И. Чапаев кулиз.

СНИМОКЫН: В. И. Чапаев. Бюро-клише.

## Тыловойской МТС кызы договорзэ быдэс'я

Тыловойской МТС тракторной паркеныз ужаны „Красный путь“ колхозэн договор гожтыз. Та договорлэсь ужвылын быдэс-мемзэ эскерон ортчытэмын но сое печатать карыськом.

Ма ужано	Ужано (га)	Тырмэтын (га)
Зябь улэ гырон	265	—
Пар гырон	100	78,7
Тулыс гырон	130	108,8
Парлы перепашка	100	122
Виль гырон	2	—
Зяблы культивация	140	74,6
Парлы культивация	170	68,95
Парлы дискование	50	—
Зяблы дискование	20	—
Тулыс ю кизён	130	62,5
Зег кизён	130	71,5
Парлы лущение	46	—
Комбайнэн ю октон-калтон	240	—
Льнотеребилкаен етин ишкон	5	—
Кутсаськон	170	82
Клевер кутсан	23,6	—

Тани та договор МТС ласянь одиг пунктэз гинэ ужвылын быдэстэмын. Эскерон возматыз, что МТС договорзэ уг быдэс'я соин, что МТС-лэн дирекцияз договорзэ быдэс'ян понна оперативно уг кивалты. Трактор'ёс урод ремонти-

ровать каремын. Соин сэрэн трактор'ёсын ужан интые, соосты луд вылын ремонтировать карыса уло. Тракторист'ёс асьсэлэсь уужэс уг тодо, техучебаэн заниматься уг карысько. Тракторзы тйяське ке, соос тупатыны жог уг валало. Верано жотак, что умой трактористлэн тракторез ноку но уг тйяськы. Тракторист'ёс пöлын дисциплина öвöл, вал случайёс, что тракторист'ёс по-настоящему ужан интые, арняен пьянствовать карыса улылызы. Öвöл массовой уж, быдэс сезон понна одиг стеной газет но поттымтэ. Трактор тйяське, тракторист'ёс уг ужало, пьянствовать каро. Сычө положениез нокутын обсудить уг каро, критика öвöл.

Договорын гожтэмын, что комбайнэн арано 240 га. Та дырозь одиг га но араптэ. Нош колхозын аранзы та дырозь 170 га лыд'яське на. Колхозник'ёс возмущаться карысько МТС-лэн урод ужаменыз, но соос требовать каро дирекциялэсь договорез ужвылын быдэстыны.

КАРДАПОЛЬЦЕВ.

## Партийной хозяйствеоз образцово пуктоно

Кемалась ик өвдл, первичной партийной организациослэн партийной хозяйствеозыслэз состоянизе эскерон ортчытэмын вал.

Эскерон возматыз, что Тыловой МТС-лэн первичной партийной организациослэн (парторгез Голяков) партийной хозяйствеозлэн порядокез өвдл. ВКП(б) райкомлэн куд-ог отношенииосыз исполнить карымтэсь но вурлымтэсь, пазыскемын. Кылсырсь, ВКП(б) РК-лэз вань решениеосэ но выпискоосэ райкомэ возвратить карон сырысь РК-лэн отношенииоз быдэстымтэ. Протокол'эслы но внимание ичи вис'ямын, соослэн номер'эссы сурамын, кудиз секретарен подписать но каремын өвдл. Коммунист'эсты учетын возён книга умой, жыкыт заполняться уг карисыкы.

Сельпоось первичной парторганизациын, парторгез Созинов, партийной делос подшить карымтэ, сурамын. Куд-ог карымтэс учетьсь сняться карискем сырысь отмечать карымтэ, озы ик учетэ кутэм сырысь но гож'яллымтэ. Татысь адске, что ЦК-лэн инструкциез коммунист'эсты учитьвать карон сырысь уг быдэс'ясыкы партийной хозяйство кулэез'я уг нуисыкы.

Риковской первичной партийной организациын парторгез Иванов, коммунист'эсты учетын возён книга бадзым неприядокын, учетьсь сниматься карисыкысь коммунист'эс списоксысь зачеркивать каремын, нош учетьсь сниматься карискемез отметить карон графайн номер но гожтымтэ. 25 протокол'эс пöлысь председателен но секретарен подписать каремын 9-ез гинэ, 5-ез протокол'эс подписать каремын председате-

лен гинэ, нош 11-езлэн протокол'эслэн ноқыче подписсы но өвдл.

Бородулинской МТС-ысь первичной партийной организациын, парторгез Чунарев, вань партийной делос храниться карисыкы шыкысын, кудиз пытсасыке замокен, со замоклэн устыноз улэ директорлэн политчастья заместителез Марков кыин. Коммунист'эсты учетын возён книгаын вань помарок'эсыз. Коммунист'эсты учетэ кутон но учетьсь снять карон урод пуктэмын. Протокол'эс умой уг гож'ясыкы. Тани 2-№ протокол собранилэн председателеныз но секретареныз подписать карем интые, подписать каремын парторген. 23 № протоколын гожтэмын, „уважительной причинаос'я отсутствовать каро Марков, Салтыков, Бородулин, Чунарев“ нош собранилэн секретареныз вал „отсутствовать карисы“ Марков. кудиз подписать кариз протоколэз. Коммунист'эс вылэ заявлениосын но жалобаосын папкаын материал'эс ваньмыз подшить каремын өвдл. Партсобранияын соос обсуждаться карисыкызы-а, өз-а тодмо өвдл.

Таослэсь зеч ик пуктэмын өвдл партийной хозяйство „Новый путь“ колхозысь кандидатской группын, Имеи Ленина колхозысь первичной партийной организациын но Зюзинской партийной организациын.

Та выли верам первичной партийной организациослы асыслэсь партийной хозяйствеоз пуктоно образцово. Партымылэн ЦК-езлэсь вань решениеосэ быдэс'яно. Партийной учетэз зол пуктоно.

Чунарев но Вепрева.

## Перевозчиков массовой уж уг нуы

Оханской сельсоветысь „Красный Партизан“ колхозысь первичной комсомольской организациослэн комсоргез Перевозчиков Павел Игнатьевич колхозын агитационно-массовой уж уг нуы. Колхозник'эслэн ужанназы луд вылэ мынэ но кöлыса гинэ дырзэ ортчытэ. Колхозник'эс пöлын газет уг лыдзылы.

26 августэ Тыловае ветлайз, Тыловайысь 5 часын

жытазе дурыстэм кудзыса вуиз.

Ю октон-калтон дыр'я колхозник'эс но комсомолец'эс пöлын собрание одиг пол но өз орчыты на. Озы ик Перевозчиков партилэсь историзэ изучать уг кары, комсомолец'эс пöлын но та ужез организовать өз кары.

ВЛКСМ-лэн райкомезлы та ужез зол-зол эскероно но Перевозчиковез ужаны косоно.

ТРОНИН.

## ЛУД УЖЕН БЕРЕ КЫЛЕ

Кельдышевской сельсоветысь „Новая жизнь“ колхозысь колхозницаос Скокова Дария, Зорина Анна но Зорина Елена етин ишконын туж урод ужасы, трос дыр'я нуналзы луд вылын кöлыса орчылэ вал. Озы ужанназы нуналлы 0,03 но 0,04 га сянэ өз ишкылэ. Нош колхозлэн председателез сыче уж-

эсты тодыса ке но улиз ноқыче мера өз кутылы. Колхоз председателээн урод кивалтэменыз ик ю октон-калтон но мукет уж'эс урод мыно. Сельсоветлэн президиумезлы дыр обсудить карыны „Новая жизнь“ колхозлэн председателез сырысь.

ХОХРЯКОВ П. И.

## Хлебопекарнялэсь ужзэ умоятоно

Тыловойской райпотребсоюзлэн хлебопекарняез та дырозь аслэстыз урод уж'эсэ өз тупаты на. Июль но август толэзэсы хлебопекарня совершенно өз пыжылы булочной изделиосты. Туж ожит гинэ пыжылэз баранкаосты. Нош хлебобулочной изделиосты выпускать карыны возможностьэс вал, пыз вал тырмыт. Июль но август толэзэсы пекарняе сётэм пыз ваньзэ использовать өз каре. Август толэзэсы сётэм пыз 11 тонна озы кылемын.

Райпотребсоюз хлебопекарнялэн производственной ужезы оперативно уг кивалты. Хлебопекарняын няньлэн качествоз понна нюр'ясыкон совершенно уг нуо. Куддыр'я пыжем нянзэс сиыны но уг луы ыл, чырс, кузыт.

Райпотребсоюзлэн председателезлы Леконцевлы тыр кутсыкыны по-большевицки кивалтыны хлебопекарнялэн ужезы.

ФИЛИМОНОВ.

## Дыраз етин тышкамын но вöлдэмын

Кельдыш сельсоветысь „Сельхозтруд“ колхоз етин тышканзэ 48 га вылысь август толэзе полностью быдэстыз. Тышкам етин ваньмыз соку ик вöлдэмын но вуз чöлтэмын. Етин тышкамын „Эдди“ етин кутсан машинаен. Тышканын синмасыкомон показательэс возыматсыс ужасы Вахрушев Андрей Павлович но Кардапольцев Максим Степанович. Таос „Эдди“ машинаен 2000 культо тышканы норма, тышкаллызы быдэн 3500—4000 культо.

ХОХРЯКОВ.

## Умой ужасыёс

Суранской сельсоветысь „Общий труд“ колхозын культо керттылыны норма 300 культо, Широкова Анна Кондратьевна 700 культо керттылыз. „Равенство“ колхозын кыин аран 0,20 га нормая Иванов Всеволод Михайлович араллыз 0,30 га, Иванов Михаил Федорович—0,27 га.

ЕФИМОВА.

## Ю октон-калтонлэн, кутсанлэн, етин вöлдонлэн но тышканлэн мынэмез сырысь

3 сентябре 1939 арлы

## Сводка

(процентэн вераса)

Сельсовет'эс	Зерновой ю октон-калтон	Зерновойёсты кутсан	Етин тыш-кан	Етин вöлдон
Тыловай	89,3	31	85,7	78
Шудзьялуд	82	33,2	88,3	86,8
В. Четкер	98	37	94,6	94,6
Ст. Кыч	87,5	35,4	100	100
Уйвай	76,2	34	69,4	68
Оханцы	80,3	33	65,2	63,6
Сураны	77,7	35,7	86	71,5
Зюзино	68,5	45,5	80	80
Бородули	60,6	24	60	58
Кельдыш	92,4	30	97,2	96,8
Итинск	84,4	25,8	90	86,4
Ваньмыз:	79,7	32,5	91,6	78,6

ЧУНАРЕВ.

## Колхозын ужатэк уло

Партилен но правительстволэн постановлениязы верасыке, что каждой трудоспособной колхозниклы арлы 80 трудоденьлэсь ичи ужано өвдл шуыса. Нош кудиз колхозник'эс, колхозницаос 80 трудодень өз ке ужалэ лыд'ясыкызы колхозысь выбывшоен.

8 толэзэ ортчиз ни, нош районамы вань таёе колхозник'эс, кудиз та дырозь өз ужалэ на 80 трудодень.

Тани Зюзинской сельсоветысь „Пролетарий“ колхозысь бригадирлэн кышноез Кожевникова Мария Алексеевна 3 трудодень сянэ өз жа на. Васильева Анисия Петровна, бригадирлэн кышноезлэн, трудоденез 6 гинэ. Агафонова Мария Ивановна, сельсоветлэн членезлэн кышноезлэн 38 гинэ трудоденез. Кожевникова Ульяна Алексеевна 27 трудоденез. Михайлова Мария Андреевна 17 трудоденез.

„Борец“ колхозысь Ложкин Федор Сергеевичлэн 39 трудоденез, Ложкина Татьяна Сергеевна 19 но Ложкина Анна Ивановна 22 трудоденезы.

Ст. Кычевской сельсоветысь „Трактор“ колхозысь Зорина Ольга Тимофеевна 26 но Лимонова Дария

## Примерен луны кулэ

Оханской сельсоветысь „Новый городок“ колхозысь колхозница Осипова Анна Егоровна государственной заемлэсь но вань государственной тырон'эслэсь значенизэс умой валаз но сое дырыз дыр'я но дырызлэсь азыло тыриз.

Государственной заем потэм бере ик со жуткем мылдыдын заемлы 35 манетлы гожкиз но коньдонзэ соку ик тыриз. Озы ик солэн 1939 арлы сельхозналог, страховка, вöй, ыжгон полностью тырмытэмын. Нош сйл тыронэз 1940 арлы но ваньмыз тыремын ни.

Таёе синмасыкомон пример вань колхоз'эсысь колхозник'эслы, колхозницаослы примерен луны кулэ.

ТРОНИН.

Михайловналэн 22,49 гинэ трудоденезы.

Им. Ленина колхозысь Андреева Анна Сергеевна 29 но Андреева Мария Ивановна 8,5 гинэ трудоденезы.

Тыловой сельсоветысь „1 май“ колхозысь Рычкова Александра Ильичналэн но Первушина Ефросиния Яковлевна 1 одиг трудоденезы но өвдл. Первушина Анна 8 но Князева Марфа Владимировна 6 гинэ трудоденезы.

„В. Шудзьялуд“ колхозысь Князева Клавдия Захаровна 6 но Князева Василиса Ефимовна 1,8 гинэ трудоденезы.

Та колхозник'эслы, колхозницаослы одно ик тодоно сое, что если колхозын өз ке ужалэ, 80 трудоденезы өз луы ке, колхозысь выбывшоен лыд'ясыкызы.

ХОХРЯКОВ, ЧИРКОВ но КОЖЕВНИКОВ.

## Шонер ответ



—Очкитэк уг адзисыкы; лыдзы-ай пие, кытчы та сюрес нуэ. Пичи пи. — Конечно, колхозысь поттонэ дедушка...

Бюро-клише.

## Выездной президиум ортчытэм бере

Райисполкомлэн президиумез Бородулинской сельсоветысь „Власть советов“ колхозын выездной президиум лэстыз. Президиум обсудить кариз колхозлэсь ужез бере кылемзэ но ужез умой пуктон сырысь кутиз соответствующой решение.

Колхозник'эс, колхозницаос райисполкомлэн президиумезлэсь решениезэ обсудить карыса, верало, что колхозын колхозник'эслы 1-тй августысен куткыса трудоденьэс гож'ямтэ. Колхозник'эс уг тодо кöня трудодень соос ужало. Бригадир Дектерев колхозник'эслэсь ужамзэс өз гож'ялы кема дыр орчытэк, куд'эсыз понна, али со бригадирсыс куштэмын.

Райисполкомлэн президиумезлэсь решениезэ обсудить карыса, тросэз колхозник'эс уж борды зол куткысы. Тани Загуляев Федор Михайлович аран машинаен араны 3,5 га нормая, ара 5 га. Вахрушева Екатерина Игнатьевна но Загуляева Надежда Васильевна культо керттылыны 0,50 га вылысь нормая, керттыло быдэн 1,50 га вылысь.